



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis Universa

Jansen, Leonard

Coloniæ Agrippinæ, 1725

Privilegium Cæsareum.

urn:nbn:de:hbz:466:1-39911

PRIVILEGIUM CÆSAREUM.

CAROLUS VI. Divinâ favente clementiâ electus Romanorum Imperator semper Augustus, ac Germaniæ, Hispaniarum, Hungariæ, Bohemiæ, Dalmatiæ, Croatia, Sclavoniæ &c. Rex, Archidux Austriæ, Dux Burgundiæ, Styriæ, Carinthiæ, Carniolæ & Wirtembergæ, Comes Tyrolis &c. &c. Agnoscamus & notum facimus tenore præsentium Universis, quodd. cum Nobis Noster, Sacrique Romani Imperii fidelis dilectus SERVATIUS NOETHEN Bibliopola Colonienfis humillimè exponi curârit, quem in modum P. LEONARDI JANSEN Theologiam Moralem prælo committere resolverit, vereatur autem, ne æmulum invidiâ hanc Editionem imitantium impendii & laboris sui fructu frustretur; Ideoque Nobis demissè supplicârit, quatenus ejus indemnitati Privilegio Nostro Cæsareo succurrere Clementissimè dignaremur; Nos submissè pariter ac æquæ ejus petitioni annuendum censuimus. Ac proinde Authoritate Nostrâ Cæsareâ omnibus & singulis Bibliopolis, Bibliopogis, Typographis & aliis quibuscunque rem Librariam seu negotiationem exercentibus firmiter inhibemus, vetamus & interdiciamus, ne quis supra nominatam Theologiam Moralem sub hoc aliòve titulo per quinquennium ab hodierno die computandum intrâ Sacri Romani Imperii, & Regnorum, Ditionumque Nostrarum hæreditariarum fines recudere, vel aliis recudendam dare, aliorumve impressam apportare citra præfati Impetrantis, ejusdemque hæredum ac successorum voluntatem & assensum in scriptis obtentum ausit vel præsumat. Si quis verò secus faciendo Privilegium hoc Nostrum seu Interdictum violare, contemneret præsumpsit, eum non solum ejusmodi Exemplaribus ubicunque locorum repertis, perperam quippe recensis seu apportatis (quæ dictus SERVATIUS NOETHEN sive propriâ autoritate, sive Magistratûs illius loci auxilio sibi vendicare poterit) de facto privandum, sed & decem Marcarum auri puri pœnâ arario seu Fisco Nostro Cæsareo, & parti læsæ ex æquo pendendâ, omni spè veniæ sublatâ, multandum decernimus, dummodo tenor hujus Nostrî Privilegii in fronte libri impressus reperiat, & ejus quinque Exemplaria Consilio Nostro Imperiali Aulico exhibeantur. Mandamus itaque omnibus & singulis Nostris, & Sacri Romani Imperii, Regnorumque & Dominiorum Nostrorum hæreditariarum subditis & fidelibus dilectis, tam Ecclesiasticis quàm secularibus, cujuscunque status, gradûs, dignitatis aut ordinis fuerint, præsertim verò iis, qui in Magistratu existentes, vel suo, vel Superiorum suorum loco jus justitiæque administrant, ne quemquam Privilegium hoc Nostrum Cæsareum violare, spernere aut transgredi patiantur; sed si quos contumaces repererint, constitutâ à Nobis multâ eos puniri, & quibuscunque modis idoneis coërceri curent, quatenus & ipsi gravissimam Nostram indignationem, prædictamque pœnam evitare voluerint. Harum testimonio literarum manu Nostrâ subscriptarum, & Sigilli Nostrî Cæsarei appensione munitarum, quæ dabantur in Civitate Nostra Vienna, die decimâ sextâ Aprilis, Anno Millesimo septingentesimo vigesimo quinto, Regnorum Nostrorum Romani decimo quarto, Hispanicorum vigesimo secundo, Hungarici & Bohemici verò pariter decimo quarto.

CAROLUS m. pp.

(L.S.)

Vt. Frîd. Carl, Comes de Schönborn m. pp.

J. v. Mayeck de Waldstätten m. pp.

MO.